

EABA JESU O A FIHLA O A BITSA

 Santa Johanne, khaolo ea 11, ho qala ka temana ea 18, ke lakatsa ho bala.

'Me Bethania o ne a le haufi le Jerusalema, sebaka e le distadia tse ka bang leshome le metso e mehlano:

Bajuda ba bangata ba ne ba tlide ho Marethla le Maria, ho ba t'selisa bakeng sa ho shoa ha khaitseli ea bona.

Eare ha Marethla, a utloa hobane Jesu o a tla, a ea mo khahlanyetsa: empa Maria a sala tlung.

Marethla a re ho Jesu, Morena, hojane oa ba teng, khaitseli ea ka a ka be a sa shoa.

Empa le jodele ke a tseba, esita le joale, hobane tsohle tseo u tl'o li kōpa... Molimo, Molimo o tla u fa tsona.

Jesu a re ho eèna, Khaitseli ea hao o tla tsoha.

Marethla a re ho eèna, Ke a tseba hobane o tla tsoha mohla tsoho letsatsing la bofelo.

Jesu a re ho eèna, Ke 'na tsoho, le... bophelo: ea lumelang ho 'na, leha a shoele, o tla phela:

E mong le e mong ea phelang 'me a lumetse ho 'naa ke ke a shoa le ka mohla o le mong. Na u lumela hona na?

A re ho eèna, E, Morena: Ke a lumela hobane ke uena Kreste, Mora oa Molimo, eo ho itsoeng o tla tla lefatšeng. ('Me sheba seo!)

Eitse hobane a rialo, a ea bitsa Maria ngoanabo sephiring, a re, Moruti o teng, o a u bitsa.

² Ha re rapeleng. Ntate ea Maholimōng, tiisa Mantsoe ao lipelōng tsa rōna, bosiung bona, re sa U emetse joale. Lentsoe la Hao, mohlanka oa Hao, le therlo, li neheloaa Uena tsohle, ka Lebitso la Jesu Kreste. Amen.

Le ka lula fatše.

³ Morero oa ka mona ke ho leka ho thusa batho ba Molimo. Ha se hakaalo ho rapela, le ho beha bakuli matsoho, empa e le hore ba elelloe Jesu Kreste mahareng a rōna, Mora oa Molimo mahareng a rōna. Re a bua bosiung bona ka temana ena: *Eaba Jesu O A Fihla O A Bitsa*.

⁴ Joale nakong eo re buang ka eona joale, e ne e le nako e bohloko haholo. Ha u kile ua bala pale ea bophelo ba Morena oa rōna, re Mo fumana e ne e le Motsoalle e moholo oa moshanyana enoa, Lazaro. O ne a... Ka mora ho tsamaea ha Josefa, kapa, O ne a falletse ho tla tla lula le Marethla, Maria, le Lazaro. 'Me e ne e le metsoalle e meholo. Ba ne ba... E ne e ka re molisa ho

bona, e—e Motsoalle oa sebele. 'Me ba Mo rokela linthoana ho apara, baki ho apara, ke a kholoa, ho itsoalo, 'me e lohiloe e sa songoa. 'Me hape ba boetse ba Mo etselitse lintho, hobane ba lumetse ho Eèna. E ne e le bona—bona ba lumetseng 'me ba bone seo. Ba tlohetse kereke, le joalo, ho Mo latèla. 'Me e le ntho e khòlò letsatsing leo, moputso oa eona e ka ba lefu, ho—ho tloha ho eona.

⁵ Empa, Jesu, Thaka lena le neng le likoloha ka polelo ea bona, le harolaka likereke tsa bona, le ho bolella lintho tse mpe ka moprista oa bona, le—le joalo, O ne a—O ne a ba hlabehisitse haholo, ba hopotse joalo. 'Me—'me esita le ho Mo paka e ka ba ho—ho ntšetsoa ka ntle ho masinagoge. 'Me haeba u le hole le kereke, ba—ba u hopotse u se na—se na monyetla ofe oa topollo. Haeba u se setho sa boraseng sa bona, se kang Farisi, Sadusi, kapa ho hong, ka ntle ho mono u ke ke ua lopolloa. 'Me holane ba fuoe tokelo, linotlolo, ba ka u rahela ka ntle ha ba batlile joalo. E ne e le puo ea bona eo. Ha ho makatse Jesu a itse, "Löna, ka moetlo oa löna, le entse Lentsoe la Molimo ntho e se nang matla." Ua bona?

⁶ 'Me joale e boetse e iphetile, hoba bohle re tseba nalane e ipheta khafetsa e kana. 'Me e—e thata ho e bolela, empa e porofetetsoe ho ipheta, 'me e entse hape.

Re fihlela Jesu a ne a sa hopoloe hantle.

⁷ Hangata, batho ba batla ho ahlola monna ea sa lumellaneng le bona. Ha re a tlameha ho etsa hoo. Re ka 'na ra se lumellane, re ntse re le mosa. Ha ke sa lumellane le monna, 'me ke ntse ke mo rata ke mo rapella, le ho se lumellane le eèna up... le eèna holim'a Lengolo, e le molemong oa khantšetso, ha ke sa tla bua letho le eèna. Ka mehla ke batla ho hanana le eèna, ka mosa, hoba ke a mo rata, 'me ruri ha ke—ke batle ha a lahleha. 'Me le eèna o tlameha ho nketsa joalo; ha re batle ho lahleha. 'Me re tlameha ho thea mehopolo ea rôna holim'a seo Lentsoe le se buang. Lentsoe e be 'Nete. E seng tumeloana ea rôna kapa sa mehopolo ea rôna, empa seo A se buang; ha ho boitlhalosetso ba letho, ha e se seo Lentsoe le se boletseng.

⁸ Bosiu bo bong, ke entse taba e bonahetseng e thunthelitse borapeli, ke kholoa e ne e le borakefeseng ba bareri hoseng ho hong. Ka hulela Jesu lekholtleng. Ka re, "Joalo ka ha ba entse mohlang oo, ba etsa hona hoo kajeno." Ho ka ba molemo ho boela ke e pheta nakoana, haeba re na le nako. Joale, ka re, kajeno re a fumana ho re...

⁹ Mehengleng ea hlabollo ea Luther, eèna, mehleng ea ntho eo, o boletse ba lokileng ba tla phela ka tumelo. "Motho ea lumelang, eena, o E fumane." Empa re fumane bongata bo ipoletseng bo lumetse, 'me ba sa E tšoara.

¹⁰ Litšiung tsa—tsa John Wesley, haeba ba fumane lehlohonolo la bobeli, ba e bitsitse, hlatsuo, hlatsuo e feletseng, ba ne ba

nyakalla ba hlabo litlatse. “Mang le mang ea hlabang litlatse, o ne a E fumane.” Empa ba iphihletse ba sa E fumana. Bongata ba bona bo hlabile litlatse, ’me ba sa E tšoara.

¹¹ Litšiung tsa Pentekosta, ba boletse, “Joale ho tlie khutlisetso ea lineo, kolobetso ea Moea. Ea buang ka lipuo, o E tšoere.” Re fumane bongata bo buileng ka lipuo, ’me bo sa E tšoara.

¹² Ka hona ba itse, “Be, tholoana ea Moea, ke seo E leng sona.” Oh, che, ha se tholoana ea Moea. Christian Science e tšoere taba eo, moo ho batlang ho se... Lerato ke tholoana ea Moea. Hape, ’me lerato la bona le feta la mang kapa mang, ’me koana ba ntse ba latola Botlotlehi ba Jesu Kreste; ho Mo bitsa moporofeta feela, motho oa tloaelo feela. Ua bona? Ka baka leo ha e etsoe ke seo.

¹³ Ntumelleng ho e belaela motsotso feela. Ha re huleleng Jesu tsekong. ’Me Molimo a ntšoarele polelo ena, e tsoang kalaneng, empa ke tlil’o ema khahlano le Eèna motsotso feela, ho le khantšetsa Leseli. Ua bona?

¹⁴ “Joale mona bosiung bona ke fumana lōna batho ting; ke ntse ke buisana le lōna. Ke...” (Ke phetse tšiung, ea Jesu oa Nazaretha holima lefatše.) “Ke fihla ho lōna, ke rerisana le lōna khahlano le mothaka enoa, Jesu oa Nazaretha. Joale bohole re tseba Molimo e le lerato. Bibele e Mo tlaleha joalo. Ho lokile, ’me lona lerato, Moea o mamello e telele, o mosa, o tiisetso, bonolo, le joalo, le lerato. Joale ke re, ke batla ho le botsa taba. Re tla tloha ho ea nka seo—seo re se tsebang, Mokreste.

¹⁵ “Shebang leqheku lena moprista oa lōna. Moholo-holo-holontata’e moholo e ne e le moperesita. A tlameha ho tsoalloa mothapong oa ba-Levi, ho beoa moprista. Re a fumana, joale, ha a phele bophelo ba mohlankana joalo ka lōna bohole ha le entse. O etsa’ng? O iketsa sehlabelo, o holimō mono ho ithutha Lentsoe, Lentsoe la Molimo. O le hlahlobisa, motšehare le bosiu, motšehare le bosiu, o tlameha ho tseba letere ea lōna e ’ngoe le e ’ngoe, lentsoe le leng le leng la buka e mennoeng. O tlameha ho le tseba ka hlooho. Eèna—eèna, ke ntho eo a tlamehang ho e tseba ka lōna.

¹⁶ “Me hape, ka thoko ho moo, mohla ntatao le ’m’ao ba neng ba chata, ke mang ea ba holahantseng joalo ka molekane le mohats’ae? Qheku leno la moprista ea lokileng. Ke mang ea etetseng ntate oa hao mohla a hlokang a namile polasi ea hae ka chelete, borakhoebo ba tla mo hlotha eona? Eaba o emeloa ke mang? Qheku le mosa leo la moprista. Ke mang ea emeng le ’mè oa hao phaposing mohla a neng a u beleha? Qheku le mosa la moprista. Ke mang ea u etelang ha u kula ’me u hloka? Qheku le’no moprista ea mosa. Ke mang ea u hlohonolofalitseng a u khethela Molimo, a u bolotsa ka letsatsi la borobel? Qheku le’no moprista ea mosa. Mohla ntate oa hao le ’mè ba batlang ba hlalana, ba boelantsoe ke mang, ho ba kōpanya? Qheku

leno moprista ea mosa. Ha likoluoa li thoeha tikolohong, e hlokomeloa ke mang? Qheku le'no moprista ea mosa. Ruri.

¹⁷ “Joale qheku lena le mosa la moprista le tsebang Bibele le boletse Molimo o hloka konyana ea sehlabelo. Bongata ba lōna banna le borakhoebo, ha le hoebe ka manku, koana Molimo o hloka nku. Ba hahile liotloana holimō mono, ba rekisa linku tsa bona e—e borakhoebo ba nyolohe ho ea li reka, ho hlahisetsa moea oa bona sehlabelo, se batloang ke Molimo.

¹⁸ “Thaka lena la mohlankana, le bitsoang Jesu le entse’ng? O tsoile kae? Ho thoe o tsoetsoe, ke movirigo. Ke mang ea kileng a utloa masaoana ao? Re tseba ’m’ae a mo belehile le pele eèna le Josefa ba tsoaloa, kapa, eèna le Josefa ba chata, ke ha a se a hlahile. Joale re mo fihlela a—a bitsolloa, le ho qaleng.

¹⁹ “O tšoere setlankana sa botho bofe? Haeba e le monna ea lokileng, o kile a ingolisa le sehlopha sefe? Athe moprista oa lōna o balile, o balile, o balile, ho tseba Lentsoe leo; ke enoa a fihla, a heletsa seo a se hahileng. Na e be hoo le ka ho bitsa ‘Molimo’? Lekhale bo.

²⁰ “Joale, tsatsi le leng, athe moprista oa lōna o hlophisisitse tulo eo holimō mane, eona . . . ‘me teng le ka reka sehlabelo, mocha enoa o entse’ng? Mosa? A shapa, a rohakanya likhole, tšoelé ea mofuta le maratsoana, a shalima batho, ka khalefo; a phethola litafole tseo, a ba shapa a ba ntša mono. ‘Me lintho tseo le li bitsa litholoana tsa Moea, ho ba sheba, ka khalefo? ‘Me, le shebe, ke ho amoha motho monyetla oa ho rapela Jehova! Rakhoebo o batla ho Mo rapela; ha a hoebe ka likonyana, ‘me o ile teng ho e reka. ‘Me O e hlanamisitse, a li raha, a ba leleka a ba ntša.”

²¹ Ke mang ea tšoereng litholoana tsa Moea mono? Um-hum. Ua bona? Ke moo. Ua bona, ha se tholoana ea Moea, ha se ho bua ka lipuo, ha se ho hlabatlatse.

²² U re, “Hape, Moena Branham, e be bopaki ke bofe? Bopaki ke bofe?” Netèfatsø ea Lentsoe horeng.

²³ Ba ne ba tšoere Bibele. Jehova a boletse e le sona se tla etsahala hantle. Ha e hloke botoloki ba letho. E tolokiloe mono. Baprista ba lōna e ne e le bao, e le phetho seo ba se fumaneng, le ‘me ’ngoe le e ’ngoe e setiloe hantle le sohle, empa koana ba sitiloe ho bona Lentsoe. ‘Me O phelisitse Lentsoe leo bakeng sa mongoaha oo. Ke bona bopaki ba mongoaha oo.

²⁴ Luther o ne a tšoere bopaki ba mongoaha oa hae, Wesley ba mongoaha oa hae, Pentekosta ba mongoaha oa eona, empa re mongoaheng o mong. Lintho tseo li molemo. Empa joalo ka lesea, le na le monoana, leihlo, le nko, empa ka morao ho nakoana o tlameha ho fetoha motho. O tlameha ho fetoha e—e ngoana ea holileng; a ntano tsoaloa, a be le soule, ’mele, moea, a ka tsamaea a le mong.

²⁵ Joale re fumana seo, sena sohle, Jesu o ne a e tsebisitse, ho ba 'maloa feela, ho bao A ba reretseng Bophelong, ba Mo bone. E seng matsoele a maholo; letsoe la Hae le ke ke la tšoana le letsoe la Kaiafa. Hobaneng, Kaiafa a ka be a phuthile sechaba sohle 'moho. Jesu o bitsitse ba 'maloa feela 'moho. Ha ba bangata ba Mo tsebileng. Likete atisa ka likete, mohla A tlileng lefatšeng. O ile a feta lefatšeng, 'me ha ba Mo tseba a ne a le teng mona.

²⁶ Ho tla ba joalo hape! O tla tla ho bao ba bilelitsoeng Bophelong. O tseba ea bilelitsoeng Bophelong. 'Me A ke ke... Mosebetsi oa Hae ke ho hlokomela seo.

²⁷ Joale re ba elelloa ba tsoule kerekeng, 'me ba lumetse ho Eèna. Sohle seo Lentsoe e sa le le se bolela ka Eèna, e ne e le Eo.

²⁸ 'Me tsatsi le leng A tloha lelapeng la bona. Ke batla ho bua ka lintho tse tharō: Jesu o ne a tsamaile; lefu le ne le tlide; 'me litšepo tsohle li timetse. Ke batla ho bua ka lintho tse tharō tseo metsotso e 'maloa.

²⁹ Jesu o ne a tsamaile. 'Me ha A tloha, bothata bo a kena. Joale ha A u tlohela, kapa a tloha lapeng la hao moo u lulang teng, koluo e mocheng. Satane a fumana monyako o butsoeng ha Jesu a tloha.

³⁰ O ne a tsamaile, 'me—'me hang ha A tlohile, lefu la kena. 'Me ha Jesu a tsoa, lefu le a kena. Ho arohana le Eèna ke lefu, ka hona lefu le a kena ha Jesu a tsoa.

³¹ 'Me lefu la Lazaro le ne le liehile. 'Me Eo ba lumetseng ho eèna ba mo ratile, ba rometse ho Eèna ho tla tla rapella Lazaro, ka ha ba kile ba 'Mona ba Mo tsebile a tsebile Molimo, ho re, "Sohle seo Molimo..." Marethla o e hlalositse morao mono, "Sohle seo U se bolellang Molimo hona joale, Molimo o tla se phethisa." A lemoha hobane Eèna le Molimo ba ne ba le Bang. E ne e le Lentsoe la hora, o lemohile taba eo ka hona. 'Me o tsebile, hola a ka iteanya le Eèna, empa O ne a ile ha ba Mo fumana. 'Me ba rometse ho Eèna, 'me, sebakeng sa ho re A tle, A ea hojana. 'Me ba romela hape, 'me, sebakeng sa ho re A tle, A ea hojana.

³² Ka linako tse ling re ipotsa lebaka ha lintho tseo li hlaha, empa na Lengolo ha le rialo, "Lintho tsohle li sebelisana hammoho molemo ho ba ratang Molimo"? O tseba seo A se etsang. Haeba A lieha, ho itoketse. O tseba seo A se etsang. Morero o ne o le teng.

³³ Re fumana A buile, ho Santa Johanne 5:19, "Kannete, nete, Ke ke ho lôna, Mora o sitoa ho etsa letho a Inotši, ha e se seo A bonang Ntate a se etsa."

³⁴ Ntate o ne a Mo laetse ho tsamaea, le ho tsamaea matsatsi a baliloeng ana. Hoba matsatsi ao a phethehe, eaba O bua seo A se buileng mohlang oo, ha thoe, "Motsoalle oa rôna Lazaro o robetse."

'Me o itse, "Be, o etsa hantle."

³⁵ A re, "O shoele. 'Me ka baka la lōna Ke thabile ha Ke sa ba teng." Hoba, ba ne ba tla leka ho Mo isa ho eèna, ho mo folisa kapa ho bolela se tlamehang ho etsoa. Empa O tsebile se neng se tlameha ho etsoa, ka baka leo A entse hantle seo A reretsoeng ho se etsa: ho lula hole. Ha u ka Mo elelloa lebitleng mohla A khutlileng. O e hhalositse mohla A khutlileng 'me a fumana lelapa lena.

³⁶ Litšepo tsohle li timile. Lazaro a shoele. Hora e 'ngoe le e 'ngoe, ba 'na ba nahana, "A ka fihla temeng. A ka fihla temeng. A ka tšoha a khutlide." Qetellong, a shoa, moea oa tsoa ho eèna.

³⁷ Ba tsoa, ba mo noka, ba monya mali 'meleng oa hae, ba mo phuthela ka line, linoko, 'me ba mo noka ba mo robatsa lebitleng, ba tiisa lebitla ka pitla ea lejoe, e le mokhoa oa lepato litšiung tseo. Mokoti mobung, mohlomong lefikeng, 'me ba le tiise ka pitla holimō, e le tloaelo ea bona.

³⁸ Letsatsi la pele la feta, letsatsi la bobeli la feta, letsatsi a borarō la feta, letsatsi la bone la feta, monna a se a bola lebitleng. E ka ba nko ea hae e se e hohlometse. Hono, kea kholoa ke ntho ea pele e oelang kahare, ke nko. 'Me a se a bolile. Nama ea hae—ea hae e khutletse lerōleng, la lefatše, kapa e se e khutlela teng. Moea oa hae o tsamaile leeto la matsatsi a mane ho ea nq'a e 'ngoe, o tlohile ho eèna.

³⁹ Litšepo tsohle tsa ho 'mona hape, bophelong bona, li timetse. 'Me ea re litšepo li sa tsamaile... Ba ne ba lebeletse, "A ka fihla lesatsing la pele, letsatsing la bobeli!" Che. Eaba o a shoa, le joale A e-so fihle. Eaba thoothelo e a kena.

⁴⁰ Ka morao ho nakoana motho a 'molella, "Monghali o ka ntle." Maretha ke enoa a theoha ka seterata!

⁴¹ Jesu a kena horeng e lefifi eo mohla ho timileng litšepo e 'ngoe le e 'ngoe. Ka tloaelo O fihla ka nako eo. Ua bona? O fihla hantle nakong e lefifi ka ho fetisa, e be Jesu o hlaha temeng.

⁴² Joale sheba, O a fihla o bitsa Maretha. Boteng ba Hae bo chabisa litšepo tse ncha. Ho sa tsottelehe le ha moshanyana a se a shoele, koana Boteng ba Hae bo hlaha tšepo e ncha.

⁴³ U ka tšoha u lutse mona bosius bona, motsoalle oa ka, lingaka li u tetse, o jeoa ke mofetše, lefu la pelō. Mohlomong holim'a setulo, u holofetse, mahlale 'ohle a boletse tšepo ea hao e timile; ho qhitsa ha k'halsiamo ho—ho hlahisitse masapo a hao—a hao—a hao likotolana, ha u sa khona ho a koba. Kapa, ho seng joalo pelō ea hao—pelō ea hao e mpe ha kana, ngaka e u tlalehu u ka ikela motsotsa ofe. Oh, le mekhahlelo e meholo ea batho ba jeoang ke mofetše le TB, e ka ba tšepo ea ho qetela ho uena, 'me ngaka e bonahetse e u tetse. Koana, ho kena ka pel'a Sefahleho le ho elelloa Boteng ba Jesu Kreste, ho chabisa litšepo hape.

⁴⁴ Motho a ka u tsebisa eona. E ka ba ha u e-so utloele ka eona pele, empa e re motho a re, "Ke tseba kereke, teng ba lumela

ho Molimo 'me ba rapella bakuli," ka potlako (Joale, u lintšing tsa lefu. U a bona?), litšepo tse ncha lia k'hatSIMA. Ho ba joalo ka mehla. Horeng eo e lefifi ka ho fetisa, ka tloaelo ke mohla motho a buang taba ka eona, a u bolella ka Jesu. Boteng ba Hae bo tlisitse litšepo tse ncha.

⁴⁵ E ka re e ka etsa joalo bosiung bona, joalo ka ha e entse maobane bosiu. Ha re bona Lentsoe leo le nētefalitsoeng ka ntle ho seriti sefe sa pelaelo, le bonahalitsoeng, le le kholisitsoeng ho re Jesu eo ea phetseng lilemo tse makholo a leshome le metso e robong tse fetileng, ea shoetseng Kalvari, a tsoha ka letsatsi la boraro, le ho hlahela barutuo a bao le ho tutubolla mahlo a bona, le ho etsa pallo ena ea letsatsi, o teng hantle mona bosiung bona ka pel'a sefahleho sa rōna joale, e tlameha ho tlisetcta batho litšepo. Litšepo tse ncha li a tšoelima.

⁴⁶ E ka ba motho o itse, "E sa le kereke e omeletse nakoana joale. E se e le—e le—e le likhoeli tse 'maloa re sa fumana metsi a matle a macha. Ha re a fumana tsoseletso. Mang le mang o bonahala a itse tšetla a eme tsi, kapa ntho e 'ngoe. Re ea kerekeng feelsa re bina sefela, 'me—'me re utloa melaetsa e 'maloa re ntano khutla." Empa hang feelsa, ea re, ha re qala re omella, Jesu a fihla temeng, a re nchafatsa, a re tlisetcta ntho e ncha. O mona ho etsa joalo ka mehla. Litšepo tse ncha li a fihla ha—ha Jesu a kena. Boteng ba Hae bo tlisa tšepo e ncha.

⁴⁷ A tseba hoba E ne e le Lentsoe le bonahalitsoeng la Molimo. O ne a bone mongoaha oo. Kapa, holane a sa etsa hoo, a ka be a sa tjantjella Molao. E sa le setho sa kereke. Empa o ne a bone Lentsoe leo la pallo. A bone Lentsoe leo la pallo le bonahetse ka Eēna 'me o Mo tsebile e le Lentsoe le phelang leo. 'Me eitse ha a utloa taba eo, a se ke a tsotella bongata bo mo sehollang, eng hape, a thakhoha a toba ho Eēna ka matla a bokhoni ba hae. Ua bona? O Mo tsebile e le Lentsoe leo bonahalitsoeng.

⁴⁸ Ntle le pelaelo o balile pale ea Elia litšiung tsa hae. Joale, E ne e le Lentsoe la Molimo le bonahetseng letsatsing leo. E ne e le moporofeta, 'me Lentsoe la Morena le tlela moporofeta. 'Me teng ha fihleloa mosali, a fuoe lesea ka lehlohonolo leo moporofeta a mo sitsitseng ka lona, 'me a fuoa ngoana.

⁴⁹ Tsatsi le leng, e ka ba hora ea leshome le motso o mong, o tšoanetse a be a batiloe ke setorouku sa letsatsi. A le ka ntle tšimong le ntate oa hae, Bibebe ha e rialo, ho itsoe a batoa ke letsatsi, empa a qala a lla, "Hlooho ea ka! Hlooho ea ka!" E ka ba hora ea leshome le motso o mong ea letsatsi. 'Me a e-na le mosebeletsi, oa ntate oa hae, a mo isa tlung. A robala mafareng 'mè oa hae ho fihlela e batlile ho ba har'a mpa ea letšehare, a eketsa ho sithabela le ho sithabela, 'me qetellong a shoa.

⁵⁰ 'Me joale, sebakeng sa ho nyahama moko, eona . . . baahisane bohole ba kena ba hooelelitse ba itšoere joalo, empa 'mè ea tsitsitseng eo, lesea la hae le shoele, a le isa phaposing e nyenyane

a e lokiselitseng moporofeta, a mo robatsa liphateng tsa hae, ka mokhoa oo. 'Me a laela mosebeletsi, "Nqhanhele mulete, 'me u palame ka ho otloloha, se eme pele ke u laela." Oh, banna! Ke eona!

⁵¹ Ha re na nako ea phehisano le khang. Letsatsi leo le fetile. Ha re tsoeleng pele. Re tlameha ho fihla mono. Re na le tlhoko.

⁵² 'Me eaba o re, "U otlolohe, u se ke ua hlehla pele ke u laetsjoalo." 'Me ba tsamaea ba ba fumana Elia.

⁵³ Elia, monna oa Molimo, ha a joalo ka Kreste; Kreste o tsebile lintho tsohle, hoba E ne e le Molimo. Elia e ne e le karolo ea Molimo. E ne e le Kreste ka ho Elia. 'Me e ne e le molaetsa oa hora, hoba Lentsoe la Morena la hora eo le ne le lutse ho moporofeta eo.

⁵⁴ Jesu e ne e le bottalo ba baporofeta bao bohle, e mong le e mong oa bona o bonahalitse Eèna feela. Ke phetho. Tsela eohle ho qala ka Josefa, ho qala ka likotoana tse mashome a mararō tsa silifera, hohle, O—O takile Kreste. Le Moshe o entse hona hoo!

⁵⁵ Davida, ea lutseng leralleng e le morena moleleko, a lla ka baka la khano. Lilemo tse makholo a robeli ka morao mono, Mora oa Davida a lula leralleng. E ne e le Moea oa Kreste ka ho Davida mono. 'Me Eèna... Banna! E ne e le Motso le Lehlomela la Davida 'moho. 'Me eaba O lutse leralleng, a lla, e le Khosi moleleko, "Jerusalema, Jerusalema, Ke ratile ha kae ho u bokanyetsa, joalo ka khoho litsuanyaneng tsa eona." E ne e le eng? E ne e le Kreste morao mono.

⁵⁶ E ne e le Kreste ea llang mohla Davida a ngotseng sefela, "Molimo oa Ka, U Ntloheletse'ng na? Masapo a Ka 'ohle, a lepalapaleng ho 'Na. Ba hlabile maoto a Ka le matsoho a Ka. Ba arolelane liaparo tsa Ka. Ba laotse kobo ea Ka ka lotho." E ne e le Kreste ea buang ka ho Davida. Ke hantle. E ne e le ponahatso ea Lentsoe. Kreste o tlide ho phethahatsa lintho tseo baporofeta ba li boletseng, hoba Lentsoe le ne le lutse ho baporofeta.

⁵⁷ O buile taba eo thutong ea maobane bosiu, ho re O tlide ho phethahatsa seo baporofeta ba se boletseng ka Eèna, hoba ba ne ba tsoere Lentsoe. 'Me Elia e ne e le moporofeta oa Molimo, Lentsoe la letsatsi leo.

⁵⁸ Ka hona mosali ea Shuneme o khomaretse moporofeta eo ho fihlela a fihla a bonahatsa matla a Molimo, a robala holim'a lesea, 'me lesea la boela la phela.

⁵⁹ Joale Marethia o tlamehile a be a eelletsoe sena, leha koana e sa le a hleka ntlu, ho hlatsoa lijana, le joalo. Empa mono a supa 'mala oa hae. A bontša se ka ho eèna ruri. A tlaha a ea Mo lata hang. Haeba Molimo o le ka ho Elia, Molimo o tlameha ho ba ka ho Kreste, hobane A ne a pakile E le Motho eo. Amen. Ke rata seo, boo ke boikemisetso! O ea ho Eèna. A tlameha ho fihla ho Eèna. 'Me a fumana, eitse ha a fihla ho Eèna—ho Eèna; joale

hopola, ho tseba hobane ha A e-so fetohe le ka mohla, Molimo ha o fetole lenaneo la Oona le ka mohla. Haeba A ne a ahile ka ho Elia le ho tsosa mofu, O na ahile ka ho Kreste a ka tsosa mofu, le ha A e-so etse hoo, hoba ke Molimo o tšoanang.

⁶⁰ Le joale ha A e-so fetohe! E sa le Molimo hakaalo ka ha A entse ka mehla. E sa le eèna maobane, kajeno, le ka mehla. Ha A fetohe le ka mohla.

⁶¹ 'Me O tsebile hore o tsebile hore seo se ahile ka ho Eèna. Sheba, hoba e pakiloe feelsa metsotsong e 'maloa, ha a ne a 'Molella taba ka khaitseli ea hae, 'me o itse, "Morena, ke—ke a lumela hobane U eèna."

⁶² 'Me O itse, "Ke 'Na Tsoho le Bophelo. Le ha a shoele, o tla phela. 'Me ea phelang a lumela ho 'Na a ke ke a shoa le ka mohla. KE EA LENG TENG." EA LENG TENG ke ea buileng sehlahleng se tukileng, le Moshe. "Ke 'Na Tsoho le Bophelo. Ke 'Na Bophelo. Ke ne ke le Lerako. Ke sa ntse ke le Eèna. Ke 'Na Tsoho le Bophelo. Ea lumelang ho 'Na, le ha a shoele, o tla phela. Ea phelang a lumela ho 'Na, a ke ke a shoa le ka mohla." Ka morao ho kholiseho e khòlò ena ea hae, e reng E ne e le Lentsoe le tsepisitsoeng; eitse ha A rialo, ka ho ba Moporofeta, A ke ke a etsa leshano; ka baka leo Eèna, eitse ha A re, "Ke 'Na EA LENG TENG. Ke 'Na e leng Tsoho le Bophelo."

⁶³ O itse, "Ke a lumela hoba U Eèna, Mora oa Molimo ea neng a tla tla lefatšeng. Le ha khaitseli ea ka a shoele, a robetse ka ntle koana lebitleng, o a . . . 'mele oa hae o a bola joale; empa esita le joale, sohle seo U se bolelang, se tla etsahala." Hantle!

⁶⁴ Sohle seo a se batlileng e le ho Mo utloa a e bua! Amen. Oh, Maretha, re ho kae bosuing bona? "Bolela Lentsoe feelsa; mohlanka oa ka o tla phela!" Ho Mo utloa a e bua feelsa! E ka ba ba 'moleletse ho re O e buile, empa mona Ke enoa ka Seqo. Oho Molimo, ho tutubolla mahlo a foufetseng, ba tle ba bone! Ka nako ha Eèna, ka pel'a Sefahleho sa Hae, a bolela Lentsoe, e bonahatsoa ka mehla.

⁶⁵ O itse, "Sohle seo U se kòpang Molimo, Molimo o tla U nea sona. E re ke utloe feelsa!" A batlile ha A bua Lentsoe. Ke phetho seo a batlileng ho se utloa. Ho fumana Lentsoe feelsa, e le phetho seo a se hlokileng, e le ho Mo utloa A re o tla e etsa.

⁶⁶ 'Me A ke ba e a e entse nakong eo, empa, ua bona, ho latela pono eo Ntate a Mo bontšitseng eona, O ne a tlamehile a be a eme pel'a lebitla. Oh, banna! Tšoara litomo tsa tumelo ea hao! Molimo o sebetsa sohle hantle. E tla itokela. E tšoare feelsa ho fihlela a fihla lebitleng.

⁶⁷ Lemohang, hola feelsa a ka Mo khontša ho rialo, esitile le ha a ne a sa . . . Litšepo tsohle li timile, ntho e 'ngoe le e 'ngoe. O ne a shoele, a bola lebitleng, empa ho Mo utloa feelsa A e bua, e le ho fela seo a se batlileng.

⁶⁸ Joale haeba A itse, “Ke ’Na Tsoho le Bophelo,” o e lumetse. O e lumetse. Joale eleloa, joale a tlameha ho lumela tse sa khoneheng, eitse ha a Mo utloa a re, “Ke ’Na Tsoho le Bophelo. Le ha a shoele, o tla phela, ’me ea phelang ’me a lumela ho ’Na a ke ke a shoal le ka mohla.” Ha thoe, “Na u lumela hona na?”

⁶⁹ ’Me o itse, “E, Morena, ke a e lumela. Ke a lumela hobane U Mora oa Molimo ea neng a tla tla lefatšeng.” Ke rata seo. Ke rata seo.

⁷⁰ Nkile ka—ka bua taba ena. E ka tšoaneleha hape joale. Ha se khale mona ha ke qoqa le mosali, e le kerekeng eo ke e bitsitseng nakoana e fetileng, e sa lumeleng hobane E ne e le Molimo, Botlotlehi ba Hae; E ne e le moporofeta feela, monna oa tloaelo feela.

⁷¹ E ne e le hoo, ruri. E ne e le hoo, kopanya le Molimo. Ua bona, E ne e le ponahatso. Jesu ke ’mele, Moshanyana, Monna; Molimo e ne e le se neng se ahile ka ho Eèna. Molimo o no o le ka ho Eèna. E ne e le Molimo-monna. E ne e le Monna, empa koana E ne e le Molimo o bonahetseng ka nama. Ha re bona Jesu, re bona Molimo. Ke seo A se buileng, “Ha u bona Ntate... u bona ’Na, u bona Ntate.” Hobane, E ne e le khalimiso, hobane E ne e le Lentsoe, amen, le neng le le teng tšimolohong. Amen.

⁷² O bitsitse baporofeta, “molimo.” Na le tseba taba eo? O itse, “Le ba bitsa ‘molimo’ bao Lentsoe la Molimo le tlang ho bona. Le Nqosa keng ha Ke re, ‘Ke Mora oa Molimo?’”

⁷³ Hoba, lôna Lentsoe leo le Mo boletse A tla fihla mono, ’me Lentsoe ke leo le bonahatsoa hape. ’Me le joale ha ba ka ba e lumela.

⁷⁴ Mosali enoa o itse ho ’na, “Nka u kholisetsa.” Ho re, “Ke rata ho u mamela ha u rera, empa u e etsa ntho e le ’ngoe senyekhenyekhe.”

“Be, eona ke efe?”

Ho re, “U iphafa haholo ka Jesu.”

⁷⁵ Ka re, “Ke tšepa e le phetho seo A se koetlang khahlano le ’na mohla A tlang.” ’Me a re... Ka re, “Ke tšepa e le phetho seo A ka se finyellang, molato A ka o fihlelang ho ’na.” Ka re, “Holane nka fuoa maleme a sekete, nke ke ka bua ho lekana, oh, banna, ka seo A leng sona!”

A re, “Empa, uena, u Mo etsa Molimo.”

⁷⁶ Ho re, “E ne e le eèna. Kapa, haeba E ne e se eèna, E ne e le mothetsi oa motonana eo lefatše le kileng la mo kakatlela.”

A re, “E ne e le moporofeta.”

⁷⁷ Ka re, “E ne e le Moporofeta, ke ’nete: Molimo-moporofeta, botlalo ba Lentsoe. Lentsoe le ne le tlela moporofeta feela, ke sona se mo—se mo entseng moporofeta. Empa E ne e le botlalo ba Lentsoe leo.”

⁷⁸ 'Me a re, "Nka u kholisa." Ho re, "U Mo fetola Mohalaleli."

Ka re, "O ne a Halalelang."

'Me a re, "A ke ke a Halalela."

Ka re, "Eèna . . . Empa O ne a le joalo."

A re, "U itse u lumela Bibebe."

Ka re, "Ke etsa joalo."

⁷⁹ A re, "Ke tla u pakela eona, ka Bibebe ea hao ka sebele, ho re O ne a sa Halalele."

⁸⁰ Ka re, "E etse. Ha Bibebe e rialo, ke tla e lumela, ka ha ke lumela Lentsoe e le 'nete."

⁸¹ A re, "Tseleng e tsoang ho theohela lebitleng la Lazaro, u sa e hopola ho Santa Johanne 11?"

Ka re, "Ehlile bo, mofumahali."

⁸² Ho re, "Be, joale, tseleng e theohang, O llile. Bibebe e itse, A lla."

Ka re, "Ehlile, Bibebe e itse O ile a lla."

Ho re, "A ka Halalela joang a ntano lla?"

Ka re, "E ne e le motho."

"Motho 'me a Halalela?"

⁸³ Ka re, "E, leleiti. Ha u bone. O tsamaile mono e le e—e motho, a lla le ba llang, ke hantle, ho hlomoha le ba hlomohileng. E ne e le Motho. Empa eitse ha A sihletsa 'mejana oa Hae, o tetemang, 'me ho thoe, 'Lazaro, tsoa mono,' me monna ea seng a shoele matsatsi a mane, a ema ka maoto a hae. Hoo ho qositse ea fetisang monna, e ne e le Molimo ka ho Monna." Ea ka tsosang bafu ke mang, ha e se Molimo? Ke Tsoho le Bophelo! Ke hantle.

⁸⁴ Bosiung boo ka ntle leoatleng, mohlang oo A le ka ntle mono, mokhathala, a robetse motseo ho seketoana, bademona ba likete tse leshome ba ikanne ho Mo qoelisa bosiung boo, 'me mokoroana oo oa khale o kaba-kaba e ka sepako sa bottolo ka ntle mono holim'a leoatle la lifefo. Bademona bao ba nahana, "Re Mo fumane joale. O robetse; re tla qoelisa sehlopha sohle." Oh, E ne e le Monna, a khathetse, empa hang ha a phaphama, A hloma leoto la Hae holim'a moralo, a lelala a re, "Khotso, khutsa tu," eaba meea le maqhubu li a Mo utloa. E ne e le ea fetisang monna.

⁸⁵ E ne e le Monna mohla A lapileng, a theoha thabeng, a batla sengoatho sa bohobe kapa se jeoang, kapa feiga sefateng. Empa mohla A tsoarang libasekeiti tse hlano le lihlapi tse peli, ho fepa likete tse hlano, e ne e le Molimo ka ho Monna eo. Ke hantle.

⁸⁶ Oh, monna e mong le e mong ea fineletseng letho o lumetseo, liroki tsohle li e lumetse. Ha ho makatse e mong a ngotse:

Ho pheleng O nthatile; lefung, A mpoloka;
 Kepelong, A falatsa libe tsa ka hole;
 Tsohong, A lokafatsa ka mehla;
 Tsatsi le leng O a tla, oho tsatsi le bokoang!

⁸⁷ Eddie Perronet, lifela tsa hae li ne li sa rekoe. Tsatsi le leng, ea re a sa reketla tlas'a sefutho sa Moea o Halalelang, a phamola lesiba, a ngola sefela sa kapeso, mohla a ngolileng:

Ho isoe matla Lebitsong la Jesu!
 Mangeloi 'ohle a namalle;
 A tlise moqhaka oa borena,
 A Mo tlotle Morena oa bohle! (Alleluia!)

⁸⁸ Ruri, ke seo re Mo lumelang a ne a le sona. E, monghali.

⁸⁹ Joale o tlameha ho lumela lintho tse sitang joale, ho latela mohopolo oa letsatsi leo. Le uena u tlameha ho lumela lintho tse sitang, ho bona Bophelo bo bocha, ho bona ntho e 'ngoe e etsahala. Empa haeba A lemohile... O lemohile hoba Ke Lentsoe, tse sitang li ka etsoa, hobane Ke 'Mopi, 'me O tla tshetsa sohle seo a se boletseng.

⁹⁰ ““Me lintho tsohle li a khoneha ho ba lumelang.” Leo ke Lentsoe la Hae. Empa tse sitang li bonahatsoa ha Molimo o 'nkuoa Lentsoeng la Oona. E, monghali. Ha Molimo o amoheloa Lentsoeng la Oona, tse sitang li a—li a bonahatsoa. Ha Molimo o e tlaleha joalo, nka Lentsoe leo u shebelle, lintho tse sitang li tla etsoa. Ruri e tla etsoa.

⁹¹ Empa lemoha, esita le har'a tseo tsohle, o itse, “Esita le joale, Morena, sohle seo U se kōpang Molimo, Molimo o tla se etsa.” O tsebile holane a ka hotolla Lentsoe leo ho Eèna. Ke phetho seo a se hlokileng, e ne e le ho fumana Lentsoe leo. E, e ne e le hora ea hae e lefifi ho fetisa eo, 'me Jesu a fihla a ba a bitsa. Oh, ha se le taba eo ba e boneng eo, tsoho!

Ha re shebeng hape mohla ho hlahileng lihora tse ling tse lefifi ka ho fetisa.

⁹² Monna e mong ka mohlang o mong, ea bitsoang Jobo, e mong oa baporofeta ba khaleng ho fetisa Bibeleng. E ne e le monna e moholo. A ile—a ile a rata Morena, 'me a entse tsohle tseo a tsebileng ho li etsa. 'Me Satane a lakatsa ho mo olosa, eaba o bolella Molimo tsatsi le leng... Yaa, Molimo oa re ho eèna, ke rialo, “U tsoa kae, Satane?”

⁹³ A re, “Oh, ho chalaka ho ea-le-ho-khutla le holimō-le-tlase lefatšeng.”

⁹⁴ A re, “Na u bone mohlanka oa Ka Jobo? Ha ho ea kang eèna lefatšeng. Ke monna ea phethahetseng.”

⁹⁵ “Oh,” a rialo, “ehlile, U mo file lintho tsohle, ua mo etsetsa eng le eng. Ruri, ke monna e moholo. Empa e re ke mo tšoare khetlo le le leng, ke tla fetola maoa. Ke tla U rohakisa ka eèna, sefahlehong sa Hao.”

⁹⁶ O itse, "U ke ke ua e etsa joalo." Ke tšepo ea Oona ho molumeli eo. Hobaneng? Ke Mohlokaphello. Ke Rabosafeleng. O tseba qetello e sa le qalong. O tsebile hoba Satane a ke ke a khona. Hoba, Ke Lentsoe, O tsebile seo Jobo a tlang ho se etsa.

⁹⁷ Joale, hopolang, Jobo, eaba o mo otla ka mathopa, a bolaea bana ba hae lebuba, a mo amoha tsohle tsa hae. Bophelo ba hae ba monyela. Esita le batšelisi ba hae ba tlile, 'me ba mpa mo nqosa ka ho ba moetsalibe oa sekhukhu. 'Me Jobo oa khale a fihla moo a bileng a tsieleha.

⁹⁸ U tlameha ho tsieleha, pele. U tlameha ho fihla moo tsela e fellang.

⁹⁹ Jobo a fihla moo tsela e fellang, ha a itse, "Ho rohakoe letsatsi leo ke tsoetsoeng ka lona. Letsatsi le se ke la le chabela, le ngoeli ka bosiu, lebitso leo le se hhole le bitsoa." 'Me tsielehong eo, eaba Jesu o a hlaha. A sheba tlase, 'me a re, "Kea bona, joalo ka motho, palesa e a shoa, feela e tsoha sehleng sa eona. Sefate ha se pheutsoe ke moea, se fupuha hape ha se utloa metsi." O bone bophelo bohle ba limela bo boela bo phela, empa ha thoe, "Motho eēna o robala fatše, o nehela moea, e be o kae?" O itsebile e le monna oa leqheku. O itse, "Bara ba hae ba tlela ho mo llela, athe ha a lemohe. Oh, hola U ka mpata lebitleng ua mpoloka nqalong e sephiring, khalefo ea Hao ea ba ea feta. Ua mpalla nako ua ba ua ntekanyetsa nako. Re tlohile. . ." Le ho tsoelapele joalo, ho bua. O ne a le qetellong, ea tsieleho ea hae, "E be ho tla etsahala'ng? Mahlaku a phela, a khutlela lifateng, lipalesa li khutla hape, tsohle li boela li nyoloha, empa motho eēna o robala fatše 'me o nehela moea!" O ne a tsielehile. A sa tsebe se ka tlohang se mo hlahela, lilemong tseo.

¹⁰⁰ Hoba e etse hoo, Jesu o a hlaha. Molimo oa thintsetsa hlooho ea hae nqa sebakeng, a bona Jesu a e tla matsatsing a ho qetela.

¹⁰¹ Hora e lefifi ka ho fetisa mohla mohats'ae a itseng, "Rohaka Molimo o shoe lefu," feela a re, "Mosali, u bua joalo ka mosali oa leoatla. Morena o ne a neile, 'me Morena o nkile, ho rorisoe Lebitso la Morena." Esita le mohats'ae a mo furalla. Kereke ea hae ea mo furalla. Mang le mang a mo furalla.

¹⁰² Horeng e lefifi eo, a sa tsebe moo a ka eang teng ho tloha moo, Jesu a hlaha. Eaba o a hooeletsa, "Kea tseba Molopolli oa ka o a phela, 'me O tla ema holim'a lefatše matsatsing a bofelo. 'Me le ka mora hoba liboko tsa letlalo li senye 'mele ona, feela ke tla bona Molimo ka nama ea ka, Eo ke tlang ho iponela eēna." Horeng ea hae e lefifi ka ho fetisa, eaba Jesu o a fihla. E, mongali.

¹⁰³ Moshe, ka nqa ea Moshe, hora ea hae e lefifi ho fetisa e mo fihletse Iseraele. A kene temeng ea kutlo; a kōpana le Molimo holimō koana sehlahleng, le ho re, "KE 'NA EA LENG TENG." A theoha a loantša boetsisi ba mefuta eohle ba Janesele Jambrese, ba lekang ho qopitsa mosebetsi oa hae. Sena sohle,

feela a tsepahala ho Molimo. Qetellong a fihlisa Israele moo e ka lumelang. 'Me ke enoa o tsoa Egepeta, ho nyolohela koana nqa—koana nqa lefatše la pallo, moo Molimo o itseng, "Le tla Ntšebeletsa thabeng ena." Leo e ne le Lentsoe la Molimo. Moshe o tsebile a tlameha ho ea thabeng eo. Amen. Molimo o boletse! Ha ho Faro ea ka 'molaeang. Ha ho devele ea ka 'molaeang. Ha ho letho le ka 'molaeang. O tla fihla thabeng eo. Amen! Alleluia! Ke ikutloa ke halalela. O tla fihla thabeng eo.

¹⁰⁴ Le rōna re leetong la Khanyeng! Re ke ke ra thibelloa ke letho. Che, monghali. Molimo o tla nētefatsa Lentsoe la Oona. Ha ke tsotelle se etsahalang, O tla e etsa, le ha ho le joalo. E.

¹⁰⁵ Tseleng ea hae, hantle temeng ea kutlo. Ke enoa, o tšoasehile mokhamong oa lithaba tse peli. O a mamelisa 'me o utloa liqi ka mora hae. Ke eng? Makoloi a ntoa a Faro, ka likete, a e tla; a matlafalitsoe, ka marumo le ka lintho, ho ba phallelia le ho ba hatikela. Leoatle le Lefubelu ke leo, le mo khaotse. O entse'ng? O tsie... O tsielehile. Batho bohle ba hooeletsa, "Oh, joale re khathatsong. Faro o tla re bolaea, lisabole tsa hae li tla re hlaba. Masea a rōna a tla shoela mona feeleng."

Moshe a hooeletsa, "Oho Molimo!"

¹⁰⁶ 'Me eaba Jesu o fihla temeng. E ne e le Topallo ea Mollo. Ke hantle. A theoha 'me A leketla lipakeng tsa hae le koluo. Amen. Ke Mokena-lipakeng oa rōna. Ke Moema-lipakeng oa rōna, amen, Moemeli. Eaba O eme mono, ho ema mono; lefifi ho Baegepeta, bao ba ttileng ba leka ho etsa letho ka eona. E ne e le Leseli ho bona, ho ba tsamaisa. Eaba hoseng mohla moea o qalang o foka ka matla, bosiu boo, eaba O etsa'ng? O ne a tlie ka sebopheho sa Tšiea ea Mollo.

¹⁰⁷ Hopolang, E sa ntse e le Tšiea ea Mollo. E, monghali. Mehleng ea Hae lefatšeng, O itse, "Ke tsoa ho Molimo, 'me Ke boela ho Molimo."

¹⁰⁸ 'Me ka morao ho lefu la Hae, kepelo, tsoho, le nyolohelo; Santa Pauluse, tseleng ea hae e theohelang Damaseka, a otloa ke Tšiea eo ea Mollo. Hopolang, e ne e le Moheberu. A ka be a sa rialo... O itse, "Morena, U Mang?" M-o-r-e-n-a ka tlhaku e khōlō, Elohim. "U Mang eo ke mo hlorisang?"

A re, "Ke 'Na Jesu."

¹⁰⁹ Amen! Hallelujah! Ke oa Pele le oa Morao. Ke ntho e 'ngoe le e 'ngoe. "Ho se ho se ho kae 'me lefatše ha le sa tla Mpona, empa lōna le tla Mpona. Ke tla ba le lōna, le ka ho lōna." Eona Tšiea ea Mollo, 'ona Molimo o etsang taba e tšoanang, ka tsepiso e tšoanang, amen, ho bonahatsa Lentsoe la Oona. "Ke 'Na Tsoho le Bophelo. Ke 'Na ea neng a le Teng, Ea leng Teng, le Ea Tlang ho tla." E, monghali. Yaa.

"Bontata rōna ba jele manna feeleng."

¹¹⁰ O itse, “Bao, e mong le e mong, o shoele. Empa, KE ’NA EA LENG TENG.” Moshe . . . Sehlahleng se tukileng, e ne le EA LENG TENG. E sa ntse e le EA LENG TENG, e seng ea neng a le teng; EA LENG TENG, lekhathe la joale, ka linako tsohle.

¹¹¹ Mona re fihlela Moshe a tšoasitsoe sekhutlong sena hantle, ’me Kreste o ne a theohile. Joale, ’me Bibele e buile, ha thoe, “Moshe o lekantse e—e sekhobo sa Kreste e le matlotlo a fetisang menono ea Egepeta ka boholo.” Sekhobo sa Kreste! Kreste e ne e le Tlolo, Logos e tsoileng ho Molimo. Lengeloi, ’mali ofe oa Bibele o tseba Lengeloi leo e ne e le Kreste. ’Me ke Enoa feelleng, ’me O hata temeng, ka tšobotsi eo A neng a tlameha ho bonahatsoa ka eona. Khanya ho Molimo!

¹¹² Kajeno O tla ka tšobotsi, eèna Kreste eo, ho bonahatsa Eèna.

¹¹³ O ba boleletse hobane O tla ba ntša. O ne a etsa hoo. Ke Eo a fihla a tšehtsa Lentsoe la Hae, ho Le nétefatsa. Eare hoba A fihle, joalo ka ha A entse ho Marethia, eaba O a bitsa. A re, “Moshe, u ntse u hooeletsa ho ’Na ka life? Bua le batho bana, le tsoelepele.” Hora e lefifi eo, Leoatle le Lefubelu la phetleha ’me ba tšela, leetong la bona ho phethahatsa Lentsoe la Molimo. E, horeng ea Moshe e lefifi ka ho fetisa, eaba Jesu o a fihla. Hona joale re na le nako . . . ’Me O ile a bitsa Moshe.

¹¹⁴ Re batla ho hulela maikutlo a lōna ho monnana e mong. Ea bitsoang Jairuse. Mofuta oo o atile lefatšeng kajeno. E ne e le molumeli oa sekhukhu. O ne a rata Jesu. A utloile ka Eèna. A lumetse ho Eèna. Empa, ua bona, a se a imatahantse le mokhatlo. Yaa. A—a—a—a feela . . . A sa khone ho tsoa a e paka pontšeng. O e lumetse, empa a ke ke a e paka, ka hona a se a ikhomahantse le ba sa lumeleng. Empa a hlile a e lumetse.

¹¹⁵ Ua tseba, motho ha a kena maemong ao, ka linako tse ling Molimo o Mo fihlisa ho makhaolakang. Meh leng ea tsieleho ke mohla re itšupang mebala ea rōna ea ’nete, seo re leng sona ka tšoanelo.

¹¹⁶ E ne e le eo, a se a itharile le bomosalumele, a se a tšeletse mose oanea ingolisitse lebitso bukeng, le joalo-joalo. ’Me e ne e le moprista, ’me a—a batla a sa khone ho paka phatlalatsa, ka ha e ne e le seteketana hae sa lijo. Ka hona, empa a ntse a lumela Jesu.

¹¹⁷ Tsatsi le leng, a kuleloa ke ngoanana. Oh, banna. Eèna, ntle le pelaelo monna eo, haeba a . . . joalo, a tla bitsa ngaka. Ngaka e tlide, ea hlahloba ngoana. Feberu ea hae ea ’na mpefala ea ba ea mpefala. Ka mora nakoana a chesa haholo, le ntho e ’ngoe le e ’ngoe, qetellong a ema lintšing tsa lefu. O ne a tsielehile. A tlameha ho etsa ho hong. A—A sa tsebe feela seo a ka se etsang. Joale a nahana, “Holane nka Mo fumana feela, hohle moo A leng teng.” Ha a emela bosiu ho tšoara, joalo ka Nikodema, ho kenela puisano ea sephiri. E ne e le nako ea ho nka khato, nako ea khato e fihlile ’me o tšoanelo ho nka khato lekhatheng leo.

¹¹⁸ 'Me ke a nahana, moena, khaitseli, ho a tšoana joale. Nako ea khato e fihlile. Nako e tlie ea ho lumela kapa ho se lumele e tlie. Monna e mong le e mong le mosali ba seeloa moeli. E tlela ngoana e mong le e mong. Ka linako tse ling ha u tšela qholo eo, ho setse ntho e le 'ngoe feela, ke kahlolo, ha u tšela qholo lipakeng tsa mohau le kahlolo, mohla u tšelang qholo eo.

¹¹⁹ Hopola, eaba o a tsieleha. A sa tsebe seo a ka se etsang. Baprista ba ha'bo ba eme haufi, bo-rabbi bohole ba mo teetse hare. Setlamo sohle se mo tšeheilitse, bohole tlase mono, ba shalimile ngoanana oa hae a eshoa. Ngaka e eme ka ntle, e phuthile matsoho, e tsokotsa matsoho, "Ke nositse moriana o mong le o mong oo ke o tsebileng, 'me le joale . . ."

¹²⁰ Ua bona, e ne e le Jesu ea sebetsang ka linako tsohle. Jesu o e entse ka morero, ho hlahatsa 'mala oa mokola eo. Ka morao ho nakoana, ke 'mona a tšoara katiba ea hae e ntšo a e roala, a apara bakana ea hae ea boprista.

"U ea kae?"

¹²¹ "Ke a . . . Ke utloile hobane O tlase nokeng. Ke tla Mo sala morao!" Oh, banna! Ke eo a tloha!

¹²² Horeng eo ea tsieleho, a tlameha ho etsa qeto: ho lumella ngoana oa hae ho shoa, kapa o tsebile hoo e le ponahatso ea Lentsoe. E ne e le moprista, 'me a balile Lentsoe, 'me o e tsebile e le ponahatso ea Molimo. Molimo o no o le ka ho Kreste, ho khutlisetsa lefatše ho Oona. O tsebile seo, 'me khato ena ea qophelloa holim'a hae. A tlameha ho etsa phoso, ho lumella ngoana oa hae ho shoa, kapa ho ipolela. Eare ha a tsieleha joalo, Jesu a fihla ka nako e batlileng ho ba eo. A tloha ho ea 'Mona. A re, a re, "Ke tla tsamaea le Uena, sohle seo U se buang." 'Me ka ntle tseleng, ho hlaho setitimi sena, ntho e lefifi mono. O ne a ipoletse, a lumela ho Eèna. A se a ikhaotse lekhatheng leo, 'me ipepesa mahlong a bongata, a itlaleha e le molumeli ho Jesu.

¹²³ 'Me setitimi ke sena se fihla, ha thoe, "Se hlore u hlopha motho, hoba ngoanana oa hao o se a shoele. O shoele maobane. O se a shoele. Se hlore, se hlore u tšoenyana le eona hape."

¹²⁴ 'Me, oh, ea ka peloana ea hae e tla ema. Empa a sheba 'me a bona mahlo ao a Jesu, ha thoe, "Na ha Ke a u bolella? Se tšabe, haeba u batla ho bona khanya ea Molimo. U tšohile keng? Ke se ke u boleletse hobane Ke tla ea."

¹²⁵ O se a boletse hobane O tla tla. O se a boletse hobane O tla etsa sena, 'me ke enoa O a e etsa. Amen. O itse O tla hlaho temeng matsatsing a qetelo le ho etsa lintho tsena joalo ka ha A entse, ka moo re balileng maobane bosiu ra ba ra qoqa. Ke enoa O a e etsa. U tšohile ke'ng?

¹²⁶ Hopola, eitse ha A fihla, 'me A mo khutlisa bafung. O fihlile temeng 'me A mo khutlisa bafung.

Bartemea oa khale oa sefofu, ka mohla o mong, o thulane le hora e lefifi ka ho fetisa.

¹²⁷ Jesu a le teng tlase mono, ho hlrophisitsoe borakefese ba Full Gospel Business Men tlase mane—mane Jeriko, 'me A fumana Zakea tlase mono. A ile a kōpana le eēna sefateng, tlase seterateng. Ka hona eare ha A...Be, O ne a ke ke a hlrophisa letho le sele, ke tiile. Ua bona? Ka hona eitse ha A fihla tlase mono, 'me A—A mo fumana, Zakea a tsamaea le Eēna.

¹²⁸ Bartemea oa khale oa sefofu e sa le a foufala e sa le moshanyana. Eaba o hopola Jesu a ka tšoha a tsoile ka khoro eo, 'me a eme hona teng. Ka mora nakoana a utloa lerata, 'me ho feta mang le mang.

¹²⁹ 'Me a utloa moprista a re, "Hela! Hela, uena, ea ngoaeang leralla mono! Ana—ana—ana... Re utloa ho thoe u tsosa bafu. Holimō mona re ba fumana ba tletse lebitla. Haeba u fela u le Messia, ha fela u le Messia, nyolohela koano u tsose bafu bana."

¹³⁰ Ua tseba, devele eo u sa phela, ua bona, ka sebopeho sa borapeli, ka ho tšoana. Ua bona?

¹³¹ "Ha u le Messia, rōna... u tsose bafu; re tšoere setša se tletseng bona holimō mona. Tloo." 'Me, oh, mang le mang a hooeletsa. E mong a hooeletsa, "Hosanna ho Moporofeta!" E mong a hooeletsa *sena, sane*, kapa se *seng*. Pherekano e kaalo!

¹³² Leqheku le foufetseng lena la monna la nahana, "Oh, ke Mo fositse. O tsoile ka nq'ané, 'me ke itse O tla feta koano. Ke beiloe sebakeng se phoso." 'Me a qala a hooeletsa. A nahana, "Haeba E le Lentsoe, Ke Molimo; O tlamehile joalo." Ka hona, "Oho Jesu, Uena Mora oa Davida, nkutloele bohloko!" Horeng eo ea tsieleho, a hooeletsa.

¹³³ Joale Jesu, ha u ka e tšoaea mona, o ne a le Jeriko. Moo ho thoeng o ne a lutse, a le bohole ba lijarete tse lekholo le mashome a mahlano ho tloha ho Jesu. Athe likete tsa batho li Mo khorohela li likanyetsa, A ka be a sa utloa sello sa monna eo. Che. Empa se Mo amile. A ema.

¹³⁴ Ke batla ho rera, bosiusing bo bong: "'Me eaba Jesu o a ema." Oh! "'Me eaba Jesu o a inama." Oh!

¹³⁵ Empa eitse ha Jesu a ema, e ne e le eng? O 'mitsitse. "Monghali o tlie. Se khathale," barutuo ba itsalo, "O a u bitsa. O ntse a u bitsa." Ho mo qoholla har'a letšoele leo.

O etsa joalo hona joale. Ana e a thophothela? Ua bona?

¹³⁶ "Monghali o tlie 'me o u bitsitse." 'Me O bitsa ho tsoa—ho tsoa bofufung ho ea leseling, ho tsoa lefifing ho ea leseling. 'Me A mo bitsa, ho tloha lefung ho ea Bophelong. "Monghali o tlie 'me O a u bitsa." 'Me eitse ha A mo bitsa, A 'museletsa pono ea hae.

¹³⁷ Mosajana oa phallo ea mali, khetlo le leng, koana holim'a leralla, o ne a jele chelete ea hae eohle, lingakeng. Eēna, ntle le

pelaelo, ba rekisitse e—e sepene. Ba ne ba rekisitse e—e polasi, ba e hirisitse. Ba ne ba lihetse tsohle tseo ba li khonneng lingakeng, ha a thusoa le ke a mong. A eketsa ho mpefala le ho mpefala. Mali a sa khaotse. Ho tsoella, ho ea joalo le joalo, a 'na a tetebela le ho tetebeala.

¹³⁸ 'Me tsatsi le leng, a sa lutse mono a ntse a rōka, holimō koana leralleng moo a ahileng, a sheba tlase phuleng, a bona ho kena mokoroana. E mong le e mong a qala a matha, "Hosanna ho Moporofeta!"

¹³⁹ O ne a utloetse ka Eèna. Tumelo e tla ka kutlo. Joale o itse, "Ke tla theoha 'me ke Mo shebe."

¹⁴⁰ 'Me eitse ha a tsamaea a theohela mono, 'me a bona Lentsoe la Molimo le bonahetse nameng khetlo la pele, taba e le teng ka puo ea Hae le ka chebeho ea Hae, a Mo tseba hoba e ne e le eèna. E, monghali. "Oh, holane feela nka hula maikutlo a Hae ka mokhoa o itseng, hola nka Mo ama feela ka tsela e itseng!" 'Me a pholletsa letšoele a ama seaparo sa Hae.

¹⁴¹ Joale hopola, ha A utloa a monoana oa hae o mo thetsa. Che, monghali, hobane seaparo sa Palestina se a leketla se lokolohile. 'Me O... bao ba....

Petrose o itse, "Mang le mang o U amme."

¹⁴² A re, "Empa ena ke kamo e fapaneng. Ke a lemoha hobane Ke fokotse."

¹⁴³ Jesu o ne a tlide. Chelete ea hae e felile, tsohle li felile; empa horeng e lefifi eo mohla mali a sa khaotseng, 'me lingaka li sa khone ho a thiba, Jesu a fihla. 'Me A etsa'ng? A mo bitsa. Ho qamaka ho fihlela a Mo fumane, 'me O itse, "U ne u jeoa ke phallo ea mali, feela e khaolitse."

¹⁴⁴ "Ke Eèna maobane, kajeno, le ka mehla." "Monghali o tlide 'me O a u bitsa. O fihlile 'me O a bitsa." A mo bitsa a busetsoa bophelong bo koenneng.

¹⁴⁵ Mosali e monyenyan selibeng, eo re buileng ka eèna maobane bosiu, litšebo tsohle li timile. Mohlomong, e ka ba monna oa hae oa bohlano o ne a mo tlohetse, 'me a nkile oa botšeleta bosiung boo, 'me a—a batla a mo belaela. Ka nqa boitšoaro, o ne a felile. O ne a batlide ho fetoha leleiti la makhonthe; eèna, ntle le pelaelo, e sa le a ntse a bala Bibele.

¹⁴⁶ 'Me a ntse a tsamaela mono, a tsamaea hora ha e batlide ho ba ea leshome le motso o mong. A ke ke a tsohella ka meso ha basali ba lokileng ba fihla. 'Me ba roala metsi a bona hloohong, le mehope, 'me ba khutle. 'Me a ke ke a fihla, a tsoakana le bona. Bao, ba ne ba khethollana letsatsing leo, ba lokileng le ba khopo ba sa tsoakane. Ba mekhoa e mebe ba lula tulong ea bona, a ke ke a fihla le ba bang bohole. Ba ke ke ba mo lumella ho tla. Ka hona hoba mang le mang a khe metsi a bona 'me a se a khutlide... A tlela ho Molengoana.

¹⁴⁷ Eaba o fihla mono a roetse nkho ena hloohong, ntle le pelaelo a tsamaea mono, a nahanne, “Joale, monna eo ke mo chatileng, kapa, eo ke mo thotseng maobane bosiu, o a mpelaetsa. Ke monna, boitšoaro ba hae bo a makatsa. Ha ke—ke tsebe letho ka eèna. Ha ke na monyetla. Ke lelekiloe bathong. ’Me ha ke khone ho kena likereke tseo, ha li. . . Li shebe feela! Ha ke tsebe seo nka se etsang. Ke tsielehile. ’Me e sa le ke bala Bibele; ehlide, ka tsatsi le leng, Moporofeta eo o tla fihla temeng. Joale ke a ba tseba ba re ntho e joalo ha e eo, ’me, ‘mona ho batla ho fetile lilemo tse makholo a itseng, ’me ho fetile lilemo tse sekete. E sa le re e shebeletse likete tsa lilemo, le joale ha e-so hlahe, ka baka leo ha re a e shebella hona joale.’ Ntho e ’ngoe le e ’ngoe e ka tsela ena, ‘Oh, che, re na le likereke le lintho. Ha re hloke ntho e kang eo hona joale.’” Eaba o ntse a tsamaea mono, a nahanne.

¹⁴⁸ Ua tseba, ha u nahana ka Eèna, ke mohla A itlhahisang ho uena. Joalo ka ha re fumane maobane bosiu, mohla tseleng ea bona ea Emmause.

¹⁴⁹ Eitse a sa hopotse ka lintho tseo, a utloa Monna ea reng, “Mphe metsi.”

¹⁵⁰ Ho ka thoeng? Lihoreng tsa hae tse lefifi le fetisang, mohla maitšoaro a hae a felileng. Mohlomong e le leleiti le letle, le lokolotsoe seterateng ho phela ka mokhoa oo. Ka linako tse ling ha se phoso ea ngoanananyana, ke phoso ea batsoali ba hae, ho mo lumella ho tsoa ka mokhoa oo. ’Me e ne e le eo, mohlomong mangetse a hae a lepelete; o ne a felile, a tsamaea joalo, a khathetse, ’me ho se mang ea batlang ho amana le eèna, ngoana, ’me mohlomong pale e kholo e latètse.

¹⁵¹ ’Me leha ho le joalo, ke tseba ntho e le ’ngoe, o ne a balile Bibele, ’me a lumetse Bibele. ’Me peō e nyenyane e robetse pelöng ea hae, ho re, “Haeba e etsahala, ke tla e tseba.” O ne a reretsoe hona.

¹⁵² Shebang Judase eo oa khale ea emeng mono a itšoere ka mokhoa oa hae. Botšo bo ne bo aparetse botebo ba pelō ea hae. Leseli le ne le khantšitse holimo mona ka mesebetsi ea hae, empa a sa Le lumele tlase pelöng ea hae. ’Me eèna e le enoa. . . Ua bona, Leseli ne le sa khone ho finyella botebo boo. Empa eèna e le enoa, a lumela, o Le lumetse, feela bophelo ba hae bo ne bo ntšofetse; eitse ha Leseli le chaba, La lelekela botšo kantle. Empa eitse ha Leseli le phaila holimō mona, La e ntšofatsa ka bottlalo. Ke eona phapang.

¹⁵³ Ua bona, o ne a tsoaletsoe morero oo. Eèna, o itse, ha A ’molella ka palo ea banna ba hae, eèna. . . Ho etsahetse’ng? A hla a hlafafala joalo. A tsieleha. A re, “Monghali, ke a lemoha hobane U Moporofeta. Ke a tseba Messia mohla a tiliheng, O tla etsa lintho tsena.”

¹⁵⁴ Eaba O a ’mitsa. Eaba O a ’mitsa. “Ke Eèna, Ea buisanang le uena.” O e lemohile ka Lentsoe la Molimo. O mo bitsitse libeng

tsa hae, ho ea Bophelong. 'Me lebitso la hae le ka har'a Bibele, 'me kajeno o ruile Bophelo bo sa shoeng.

¹⁵⁵ A ka u bitsa ka ho tšoana, hobane e sa le Eèna maobane, kajeno, le ka mehla. Ntho . . .

¹⁵⁶ Yaa, boitšoaro ba hae bo ne bo pherehlane, empa koana a tseba hore O na le bokhoni ba temoho eo. A tseba hoba eo e ka khona e be e le Messia. Eare ha Jesu a re, "Ke Eèna, Ke Eèna," o e tsebile joalo.

¹⁵⁷ Khetlo le leng barutuoa ka ntle koana holim'a mokoroana, litšepo tsohle li timme. Lifefo, ba ne ba tlohile Jesu a le sieo, 'me lifefo feela tsa—feela li itšoanelia le lapeng la Lazaro. Litšepo tsohle li timile. Mokoroana oa khale o khile metsi. 'Me ba hooeletsa ba lla, mohlomong ba rapela ba itšoere joalo, 'me lehalima le tsekema, mokoroana o tletse metsi, litšiea tsa seile li putlame, masokoana a kamohile, 'me ba hamarelane, ba lla.

¹⁵⁸ 'Me horeng ea lefifi le opaneng leo, Jesu o hlaha a tsamaea joalo. Ho bona A tšoana le seriti. O ne a tšosa, e ka sethotsela, 'me ba hooeletsa ba tšohile.

¹⁵⁹ Ke bona bothata kajeno. Jesu o fihla horeng e le hora ea hao ea lefifi le opaneng, 'me u a E tšaba. Ha u tsebe seo E leng sona.

¹⁶⁰ Ha ba Mo tseba seo a leng sona. Ba itse, "Oh, ke sethotsela!" Ba hooeletitse.

¹⁶¹ 'Me eaba O a ba bitsa, ha thoe, "Se tšabeng, ke 'Na." Horeng ea lefifi le opaneng, Jesu a hlaha joalo, Thuso ea bona. O sebetsa joalo ka mehla, ho kena horeng e lefifi le opaneng. Eaba Jesu o fihla a Iponahatsa, 'me a fihla ho bona.

Petrose o itse, "Haeba e le Uena, ntumelle ho tsamaea holim'a metsi."

Jesu a re, "Tloo."

¹⁶² Le a tseba ke'ng, metsoalle? Kapele O tla tlela bao ba matsatsing ana a bofelo. Joale, na ha ho makatse ha e le moo kerekere e tšoeroe ke hora e lefifi lena le opaneng ka ho fetisa hape?

¹⁶³ Ke tlil'o bua taba mona. Eona ha se thuto. Ke mpa ke porofeta. Na le tseba se etsahetseng? Nako ea tla eo ka eona, kapele, tšoaeang lentsoe la ka, mekhatlo ea malumeli 'ohle e tla tlameha ho imatanya le Ecumenical Council. Haeba ba sa etse joalo, Council e ke ke ea ba tšehtesa. Ka baka leo, ho tla hlaha khanyetso, 'me ha ho mang ea ka etelang likereketsena, kapa ho kena likerekere life; ha e se ha u tšoere letšoao ho tsoa kerekeng ea hao, u ke ke ua reka kapa ua rekisa. Ua bona joalo ka ha e etsehetse, e tla ipheta hape, letšoao la sebata. 'Me kerekere, ba ntse ba lemoha seo, batho ba moea.

¹⁶⁴ 'Me lōna batho ba Pentekosta, le hona, na le a e lemoha. Le se le qalile ho e utloa. Holim'a likerekere tsa lōna, boholo ba mekhatlo

ea Pentekosta; 'me ha kea tlameha ho bitsa mabitso a lōna, empa hona joale le li tseba li le joalo, bao ba—bao ba kena ho eona. Li se li ipakile joalo. 'Me ha u etsa joalo, u tla tlameha ho etsa'ng? U tla tlameha ho tēla thuto ea hao ea Evangelia ea kolobetso ea Moea o Halalelang. U tla tlameha ho tēla thuto ea hao ea Bibebe.

¹⁶⁵ 'Me litho ha li ka ke tsa e mamella. Bakreste ba tsoetsoeng labobelka 'nete ba tla shoa, pele. Ba lemosoa ke Lentsoe. Ba tseba hore ntho ena e tla latēla. E, monghali.

¹⁶⁶ 'Me na ha e makatse? 'Me hantle horeng e lefifi le opaneng lena, Jesu o a fihla 'me o a ba bitsa, ho re, "Se tšabeng. Ke 'Na. Ke sa na le lōna. Ke mona ho bonahatsa Lentsoe la Ka." Joalo ka ha A bile teng mohlang oo, le joale O a tšoana. O boletse A tla etsa hoo. Oh, banna! Monghali o tlide 'me o a re bitsa.

¹⁶⁷ Batho ba kulang ba bangata mona, ntle le pelaelo, ba lutseng mona, 'me ngaka e itse ha ho—ha ho tšepo bakeng sa hao. E ka ba u lutse horeng ea hao e lefifi ka ho fetisa, empa, hopola, Monghali o tlide 'me o u bitsitse.

¹⁶⁸ 'Me tsatsi le leng, tsatsi le leng, Monghali o tla fihla 'me a bitse lebitso ka leng le ngoliloeng Bukeng ea Bophelo ea Konyana. Haeba a lōna a le sieo, le ngolise mono hona joale, hobane O tla fihla 'me a bitse. Esita le ba lebitleng ba tla utloa Kolu ea Hae 'me ba tsohele Bophelong. Monghali o tla fihla 'me a u bitse. 'Me e re A sa bitsa kajeno, arabela u hlophisetse Letsatsi leo, ke u eletsa joalo.

¹⁶⁹ Tšepiso ea mongoaha 'ona, O tšepisitse A tla fihla mona. Lintho tseo A kileng a li etsa, O tla li etsa hape, 'me joale Monghali o boetse o tlide 'me o a u bitsa.

¹⁷⁰ Ha re inamiseng lihlooho tsa rōna. Ke sa tšoere maqephe a mang a tšeletseng mona, empa ke—ke sitoa ho a finyella hona joale. Ha re inamiseng lihlooho tsa rōna. Ke tšepisitse ho le lokolla pele ho nako, e se e le kotara ka morao.

¹⁷¹ Ntate ea Maholimōng, Oho Morena, e boele e iphete. Lintho tsena tsohle tseo ke li boletseng, "Jesu o tlide 'me o a u bitsa." O etsa'ng ha A fihla? O a bitsa. 'Me e ke e etsahale hape, Morena. E re Moea o Halalelang oa Hao o kene har'a batho bosius bona, Morena Jesu ka sebopheho sa—sa Moea. A ke a fihle bosius bona le ho Itšenola, a ntano Iponahatsa. Joalo ka batho bao, ka moo ba kileng ba lumela, re tla lumela joalo, le rōna, Morena. Ba bangata, mohlomong, ba e-so fumane monyetla ona. Re U rapela ho ba abela eona hape bosius bona. Hoba re e kōpela khanya ea Molimo, ka Lebitso la Jesu. Amen.

¹⁷² Ke eona, khaitseli, empa u ka tsoelapele feela. Ke hantle. Tsoelapele. Oh, ka khutso e shoetseng, e mong le e mong.

¹⁷³ Na le lumela hobane O tlide? O entse joalo. Na ebe ha A fihla O sa ntse a bitsa? Joale haeba le ka lumela feela. Haeba le ka lumela Lentsoe la Molimo feela, Molimo o tla e aba.

¹⁷⁴ Joale shebang, ha ke nanako ea ho memela mola oa thapelo mona. Ke tlil'o li bitsa bositung bona, ka ntle mane, ha Morena a ratile. Monghali o tlide. O tlide ho phethahatsa Lentsoe la Hae letsatsing la bofelo. 'Me seo A neng a le sona mohlang oo, ke seo A leng sona kajeno. Seo ponahatso ea Hae kapa boitsebiso bo neng bo le sona mohlang oo, bo a tšoana kajeno, hobane E sa ntse e le Lentsoe la Molimo. Na le lumela seo? [Phutheho e re, "Amen."—Mohl.] 'Me Lentsoe la Molimo ke Mosenoli oa mehopolo, merero ea pelō. 'Me ka moo A sebelitseng mohlang oo, O se sebelitse joalo ka mehla. E sa le Eèna. Haeba A ka etsa hoo hona joale feela, na le tla lumela ho Eèna? Na hoo ho tla etsa hore le Mo lumele?

¹⁷⁵ Lōna batho ba ka ntle mono joale, ha nke ke shebe pele 'me ke bone haeba motho a le teng eo ke mo tsebang, ea lutseng nq'a e 'ngoe ka mona, eo ke mo tsebang.

¹⁷⁶ Bohle ba leng teng, holimō ka *mona*, le sa ntsebe, le phahamise matsoho a lōna; 'me le tseba ke sa tsebe letho ka lōna, 'me u a kula, phahamisa matsoho a hao. Kea kholoa, e mong le e mong. Ho lokile, joale, u lumele. U mpe u lumele ka pelō eohle ea hao. Se belaele. E ba le tumelo. Lumela Molimo.

¹⁷⁷ Ke tla le kōpa ho khutsa ka 'nete, le lule fatše. Le se ke la fulueha joale, ka kōpo hleng. Ua bona? Ua bona? Lōna le e—esoule, 'mele, le seperete. 'Me seperete sa hao... 'Me Moea o Halalelang o boi haholo.

¹⁷⁸ Ba ba kae ba hopolang, lilemo tse ngata tse fetileng, ka Moea o Halalelang, mohla ke fetileng mona 'me ke le bolella? Mohlang oo ke tšoara batho ka letsoho, O mpoleletse temoho ena e tla fihla, 'me le ho tsoela pele? Le sa e hopola, le hopola seo? Empa O itse, "Ha u ka etsa hore batho ba u lumele." Le sa hopola matsatsi ao, lilemong tse ngata tse fetileng? [Phutheho e re, "Amen."—Mohl.] U tlameha ho lumela.

¹⁷⁹ Ke bone monna, ke a kholoa e ne e le tlase mona kōpanong e 'ngoe, o lutse mona hantle. 'Me Moea o Halalelang... É sa le ke mo shebile ha ke ntse ke rera. E ne e le monna oa seritsa. O ne a ikokotlela ka melangoana e tlas'a liphaka tsa hae. 'Me hang ha ke qala ke bitsa, Satane aatamelia monna eo, seriti se setšo. 'Me ka e shebella ka mahlo a ka. A ema 'me a tsoa. O tla lula a holofetse ka mehla, ua bona. 'Me ka hona, eèna, a ke be a folisitsoe hantle mono holane feela—feel a... Ua bona? Empa, feela, ha ke tsebe lebaka. Ke a kholoa o mpile a mamela sera. Empa ha u ka ema 'me ua shebella liriti tseo, ho bona libopeho tsa lintho tseo, ka moo li leng kateng, 'me ua li bona ka moo li sebetsang kateng. Ua bona, e tla ba joalo...

¹⁸⁰ Joale, ha ke khone ho folisa. Motho ea reng a ka u folisa, o fositse. U se u folisitsoe. Empa, ke ho lemoha Boteng ba Jesu Kreste. Joale efèla ha Maretha a tsebile ho re ha a ka Mo bona hape, o tla fuoa takatso ea hae, ka ha E ne e le Lentsoe le

bonahalitsoeng, na re ke ke ra lumela hoo ha kaalo bosiusing bona, ho e lumela? Ehlide, re tlameha joalo. O tlide, O tlide ka sebopoho sa Moea o Halalelang. Ke sona seo A leng Sona. Joale le rapele feela.

¹⁸¹ Ua bona, holimō mona, hola nka re motho a eme mona, hantle mona pel'a ka, feela—feela ho rapela; ho bona batho ba bangata ha kana ba rapelang, e holim'a moaho 'ohle. U tlameha feela ho e shebella. U ke ke ua rialo, "Hela, Moena Branham . . ." Che, monghali. Nke ke—nke ke ka e etsa, joaloka uena ha u ke ke ua ntorela toro. Ua bona? U ka lora toro. Uena, Molimo a ka u lorisa toro ka 'na, u lumela seo, empa u ke ke ua iketsisa eona. U ke ke ua rialo, ho re, "Moena Branham, joale ke tlil'o lora toro ka uena." Che, u ke ke ua khona. Le 'na nke ke ka bona pono. E ka bang mang ea u bontšang toro, e tlameha ho etsoa ke eena. Le pono e a itšoanelā.

¹⁸² Ke bona monna ea lutseng mona hantle ntlheng ea mola, o jeoa ke athritisi. Ha ka lumela ka pelō ea hae eohle, Molimo o tla mo folisa athritis. Na u lumela A tla e phethisa, monghali? Uena ea lutseng ka ntle mane, monna oa mo-Mexico, ea lutseng ntlheng ea mola, na u tla e lumela? Ho lokile, monghali.

¹⁸³ Leleiti le lutse pel'a hao, le jeoa ke athritisi, le lona. Na u lumela Molimo a tla u folisa, leleiti? (Na molumo 'ona o a akhotseha? Ke tšaba hore batho ba ke ke ba e utloa.) Na u tla etsa hoo? Ho lokile.

¹⁸⁴ Ho ka thoeng ka leleiti le leng la mo-Mexico le lutseng pel'a hae? O jeoa ke bothata ba mala. Na u lumela Molimo a tla folisa mala a hao, leleiti?

¹⁸⁵ O e tšoere. Ha ke bona Leseli leo le tima, e bolela hobane e etsahetse. Yaa. Ke eona. E mo phaitse. Ke Leo moo le neng le le teng, le ntse le furuletsa le likoloha hantle . . . [Sekheo lebanteng—Mohl.] . . . e phethehile. Ua bona? Hola feela A ka fumana tumelo! Ua bona, "Lintho tse ngata ha U a li etsa ka baka la ho se lumele ha bona."

¹⁸⁶ Leleiti ke lena le lutse mona le ntse le rapela, hantle mona. O tšohile. O tlamehile. Maemo a hae ke a mofetše, o mobe haholo. Ha ke u tsebe, empa Molimo o a u tseba. Na u lumela Molimo o ka mpolella ka mofetše ona, kapa ntho e itseng? Ntalime. Ho na le bongata bo rapelang mono, u a bona, ke ka baka leo ke e buang. Re talime. Joale, e, ha u tsoe mona, lena ha le lehiae la hao. U tsoa tulong e bitsoang Porterville, California. Ke hantle. Na u lumela Molimo o ka mpolella na u mang? O a tseba. Lebitso la hao ke Mof. Wintham. Ke hantle. Joale lumela, 'me mofetše o tla u lesa. "Ha u ka lumela." Ke phetho seo Molimo a u kōpang ho se etsa. "Ha u ka lumela."

¹⁸⁷ Na ha u e lumele pelōng ea hao eohle? Motho e mong ka lephakong *lena*, na u ke ke ua lumela? Monghali o fihlile o u

bitsitse. O u bitsa ho tsoa lefung ho fallela Bophelong, ho tloha boloetseng ho fallela katlehong ea 'mele.

¹⁸⁸ Monna ke enoa o lutse motšeо mona, hlooho e iname, o a rapela. Ha a ithapelle, o rapella e mong. Ke e—e ngoanana. Ke morali oa hae. Na u a lumela, monghali? Mathata a meomong ea hao. Mathata a lengoleng la hao. Ke hantle. Ho lla ha ho hlokahale, ke Eèna ea pel'a hao mono. Morali oa hao o kokelong, ha ho joalo? Bothata ba lefuba. U a lumela. U a lumela na? Monghali o fihlile o a 'mitsa. Na u tla lumela, joalo ka ntatae? U tla etsa joalo na? A ke A mo etele bosiung bona, le uena. Ho fele ka eona.

¹⁸⁹ Moshanyana ke enoa, moshanyana ea sefahleho se se sootho. O jeoа ke letlalo, le ke asthma, moshanyana oa mo-Mexico, moshanyana oa mo-Mexico ea lutseng mane. Ha a tsoe mona. O tsoa San Jose. Na u a lumela, mora? Ntho e 'ngoe, u tlie le ntatao mona. Ke moreri. Ke hantle. U lumela Molimo o ka mpolella lebitso la hao? Na e tla u thusa ho lumela ka sefutho ruri? Lebitso u Reuben. Joale lumela. Um-hum. Molimo o tla u phelisa.

¹⁹⁰ Monghali o fihlile 'me O a u bitsa. Oh, uena moetsalibe, oh, uena mokuli, ana ha u bone Monghali ea bonahetseng ka har'a bana ba batho, mahareng a balumeli? O tlie ho biletsha bana ba Hae ba lumelang 'meleng o koenneng. O tlie ho biletsha moetsalibe pakong. Uena ea oeleng mohaung, setho sa kereke, Monghali o fihlile 'me o a u bitsa.

¹⁹¹ Na le a e lumela? Na le e lumela bakeng sa tlhoko ea lōna hona joale? Haeba le etsa joalo, phahamisa letsoho la hao, ho re, "Ke lumella tlhoko ea ka." U ntano ema ka maoto a hao joale le ho e amohela. Monghali o fihlile o a u bitsa. 'Me u ka bang mang, tlhoko ea hao e ka bang efe, Monghali o fihlile 'me O a u bitsa. E sa le Eèna maobane, kajeno, le ka mehla.

¹⁹² Mosali e monyenyanе eo o kene motseng, le ho re, "Tloong, le bone Monna Ea mpoleletseng bothata ba ka." Ha u a kena motseng. U tlie 'me u e iponetse, e le uena, ka hona Monghali o fihlile o a u bitsa.

¹⁹³ Mo phahamiseng matsoho a lōna 'me le Mo rorise, le ho re, "Morena Jesu, 'na ke moetsalibe; ntšoarele. Ke oele mohaung; nkhutlisetse, Morena. Ke hloka Moea o Halalelang; ntlatse. Ke a kula; mpholise. Ke seritsa; mphekole." Monghali o fihlile 'me o a u bitsa. Phahamisang matsoho a lōna joale le Mo roriseng. Amen.

¹⁹⁴ (Re fe lehlasonryana mona la, "Ke tla Mo rorisa, Ke tla Mo rorisa." Uatseba? Ke tla Mo rorisa. U a se tseba seo, ha ho joalo?)

Na le a lumela?

Ke tla Mo rorisa, ke tla Mo rorisa,
Oh, rorisa Konyana ea baetsalibe;
Mo roriseng, lōna batho bohle,
Mali a Hae a tlositse sekoli ka seng.

¹⁹⁵ Le a Mo rata na? Joale na le rata ho Mo binela A sa le teng mona? Ke Moea o haolang har'a moaho. O tseba lipelō tsa lōna, ho tseba tsohle ka lōna. Ha re Mo bineleng, ka pelō eohle ea rōna.

Ke tla Mo rorisa, (phahamisa matsoho a hao
ha u etsa joalo), Ke . . . (joale Mo rorise) . . . Mo
rorise,
Oh, rorisa Konyana ea baetsalibe;
Oh, Mo rorise, lōna batho bohle,
Hoba Mali a Hae a tlositse sekoli ka seng.

¹⁹⁶ Oh, uena leleiti, u lutse setulong sa bakuli, holane feela u ka lumela ho feta hantle mona. “Ke . . .” Ha re se lekeng hang hape. Ke emetse ho hong.

Ke tla Mo rorisa, ke tla Mo rorisa,
Oh, rorisa Konyana ea baetsalibe;
Mo roriseng, lōna batho bohle,
Mali a Hae a tlositse sekoli ka seng.

¹⁹⁷ Joale re sa se bina hape, retoloha, tšoara letsoho la motho e mong, re sa se bina, bina, “Ke tla Mo rorisa.” Tloong, bohle ‘moho joale.

Ke tla Mo rorisa, ke tla Mo rorisa,
Rorisa Konyana ea baetsalibe;
Mo roriseng, lōna batho bohle,
Mali a Hae a tlositse sekoli ka seng.

¹⁹⁸ Oh, motsoalle oa moetsalibe, na u ke ke ua nyolohela mona joale? Ho nyoloha ‘me u Mo rorise, lōna batho bohle. Lōna bohle ba batlang ho Mo paka joalo ka ‘Moloki oa lōna. Ka pel'a Sefahleho sa Hae, bahalaleli ba sa rapela ka Moea, na u ke ke ua tla koano ua ema? Ho re, “Ke batla ho paka, bosuing bona. Ke batla ho Mo rorisa. Ke batla ho tla. Ha ke lihlong ka Eèna. Ke batla lefatše le tsebe hobane ke Mo amohela joalo ka ‘Moloki oa ka, hantle mona A sa le teng.” Tloong re sa se bina.

Ke tla Mo rorisa, (na u ke ke ua tla?) ke tla Mo
rorisa,
Oh, rorisa Konyana ea baetsalibe;
Oh, Mo roriseng, lōna batho bohle,
Mali a Hae a tlositse sekoli ka seng.

¹⁹⁹ Oh, ha se moo, uena leleiti, tloong. Ke mang hape ea ka tlang, ka pel'a Sefahleho sa Kreste? Nyolohela hantle mona, khaitseli, ema mona.

²⁰⁰ Motho e mong ea batlang hore E be ‘Moloki oa hao, hantle hona joale, ea sang lihlong. O itse, “E ka re ha u le lihlong ka ‘Na pel'a batho, Ke tla ba lihlong ka uena pel'a Ntate oa Ka le Mangeloi a halalelang.” Haeba u se lihlong ka Eèna hona joale, ‘me u batla ho re E be ‘Moloki oa hao, A sa le teng mona! U se u ‘Mone. E phethahetse hona, Lentsoe ka bo-Lona le a E

tsebahatsa. Nyolohang bahalaleli ba sa ntse ba rapela joale. Na u ke ke ua nyoloha?

²⁰¹ Molimo a u hlohonolofatse, monghali. Leleiti le holileng ke lena le e tla, o se a hlile a tsafala. Na u ke ke ua tla joale?

Ke tla . . . (se bineng joale) . . . Ke tla rorisa . . .

²⁰² Ke hantle, lōna chacha e ncha, tloong le pote hantle. Rorisang feela. Molimo a u hlohonolofatse, uena leleiti, e sebetsoa joalo. Molimo a le hlohonolofatse, lona chacha e ncha.

. . . hlabelsoeng baetsalibe;
Mo roriseng, lōna batho bohle,
Mali a Hae a tlositse sekoli ka seng.

²⁰³ Nakong eo bareri ba eang bathong bana joale na motho e mong a ke ke a tla? Uena ea oeleng mohaung, na u ka tla, ho re, “Ke lihlong ka bophelo ba ka”? Ke Enoa. Lea lumela ke mohlanka oa Molimo? Phahamisang matsoho a lōna. Khele, Jesu Kreste o mahareng a rōna. Na u ke ke ua tla?

Mo roriseng lōna . . . (Na u ke ke ua tla, ho Mo
rorisa?) . . . batho,
Mali a Hae a tlositse sekoli . . .

²⁰⁴ Marethia, na u a tla, kapa u tla lula ka tlung le Maria? Na u tla sala mokhatlong o itseng, le ho re, “Oh, kereke ea ha E lumele ka tsela ena,” holim’ a Kreste a bonahalitsoe? Na u tla sala morao le ho rialo, kapa na u a tsoa? “Be, ke tla u bolella, ha ke . . .” Che. Kajeno, ena ke hora. Lefu le u likile, joaloka morali oa Jariuse.

²⁰⁵ Tloo joale! Uena ea oeleng, tloo joale. Moetsalibe, tloo joale. Ena ke nako. Moruti o tlide ’me O a u bitsa. O ntse a u bitsa. U re, “Nka tseba joang?” O sebelisa lentsoe la ka. Haeba A sebelisa lentsoe la ka ho bolela maloetse, le mahloko le lintho, na ha u tsebe hobane O boetse o bitsa bakeng sa sebe? Tsoa! Tloo joale, e ka ba monyetla oa hao oa ho qetela le ka mohla.

²⁰⁶ Hang hape, ba bangata ba tlamehileng ho tla ka mona, metsoalle. Ha ke batle ho le tlontlolla, ho le bitsa ka tsela ena. Ha se hantle. Haeba ka linako tse ling u ka . . . Bafarasi bao ba hopotse ba bolokehile, empa ba ne ba se joalo. Le uena u hopotse joalo. Tloo joale.

²⁰⁷ Etsa bonnete! U se ke, u se ke ua mokola ka eona feela. Ha pelaelonyana e le teng mohopolong oa hao, u se ke ua mokola. Tloo joale. Joale ke nako, joale e re Seliba se sa butsoe, Moea o Halalelang o sa le teng mona. Moruti o tlide. Pelaelonyana eo, ke eona eo A lekang ho u bolella eona, “U ntse u belaela.” E tele. Tloo, joale. Moruti o tlide ’me o a u bitsa. Ke hantle, lulang le ntse le e tla, lulang hantle le ntse le e tla.

Ke tla Mo rorisa, ke tla Mo rorisa, (Na u ke ke
 ua tla 'me ua Mo rorisa?)
 Rorisa Konyana ea baetsalibe;
 Mo roriseng, lōna batho bohle,
 Mali a Hae a tlositse sekoli ka seng.

²⁰⁸ Joale e re baetsalibe ba sa tla, ho Mo etsa oa bona; batho ba
 ke ba Mo rorise, re sa se bina joale. Matsoho a lōna a phahame
 joale, binang le Mo rorise, joale, 'moho.

Ke tla Mo rorisa, ke tla Mo rorisa,
 Rorisa Konyana ea baetsalibe!

²⁰⁹ Mo roriseng feela! Lōna batho ba mona, rapelang, Mo kōpe
 ho u tšoarela. Ke sona seo A tlāng ho se etsa. Moruti o tlie 'me o
 a u bitsa. Molimo a le hlohonolofatse. 

EABA JESU O A FIHLA O A BITSA SST64-0213
(Then Jesus Came And Called)

Molaetsa wona, ka Moena William Marrion Branham, o rerilwe sethatong ka Senyesemane Labone mantsiboea, Hlakola 13, 1964, Elliott Auditorium, Tulare, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org